

VENDIM
Nr. 15, datë 15.1.2026

**PËR TRANSFERIMIN E KUOTAVE TË KAPITALIT, QË ZOTËROHEN NGA
SHOQËRIA “ALBCONTROL” SHA, NË SHOQËRINË “AIR ALBANIA” SHPK,
TEK MINISTRIA E EKONOMISË DHE INOVACIONIT**

Në mbështetje të nenit 100 të Kushtetutës: të ligjit nr. 9901, datë 14.4.2008, “Për tregtarët dhe shoqëritë tregtare”, të ndryshuar: të ligjit nr. 40/2024, “Për ofruesin e shërbimeve të lundrimit ajror ‘*Albcontrol*’”, dhe të vendimit nr. 309, datë 16.5.2018, të Këshillit të Ministrave, “Për përcaktimin e procedurave të krijimit të shoqërisë ‘*Air Albania*’, sh.p.k.”, me propozimin e ministrit të Ekonomisë dhe Inovacionit, Këshilli i Ministrave

VENDOSI:

1. Kuotat e kapitalit, në masën 10% (dhjetë për qind), që zotërohen nga shoqëria “*Albcontrol*”, sh.a., në shoqërinë “*Air Albania*” sh.p.k., transferohen tek Ministria e Ekonomisë dhe Inovacionit.
 2. Ministria e Ekonomisë dhe Inovacionit, me transferimin e kuotave, sipas pikës 1, të këtij vendimi, ushtron të gjitha të drejtat dhe detyrimet, që rrjedhin nga cilësia e ortakut në shoqërinë “*Air Albania*” sh.p.k.
 3. Ngarkohen Ministria e Ekonomisë dhe Inovacionit dhe shoqëria “*Albcontrol*” sh.a. për zbatimin e këtij vendimi.
- Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama